

BILDOLTCHA ETA OXOA.

Primadera goiz batez
 Chirripa batera
 Bildotch bat ama gabe
 Gan zen edatera:
 Antchet ari zelarik
 Churga churga bera,
 Oxoia oianetik
 Zitzaion atera.

Oxoak gorochago
 Chirripan sarturik:
 «Ur au,—erraten dio,—
 «Zikintzen dautak ik.»
 Bildotchak errepusta:
 «Jauna, nik segurik
 «Emendik ez dezaket
 «Zikin zure urik.»

—«Kichkil tcharra, oroit nauk,
 «Jaz i ari intzen
 Ene omen onaren
 «Orotan funditzen.»
 —«Jaz ni oraino, jauna,
 «Sortzekoa nintzen:
 «Amaren ttittira naiz
 «Orai ere biltzen.»

—«Ire anaia zuen
 «I ez balin baaiz.»
 —«Ez dut nik anaïarik,
 «Ume bakarra naiz.»
 —«Ox! zuetarik bat duk
 «Entzun dudana maiz,
 «Nere kontra erraten
 «Zer nai ele gaitz.»

Ortan zen bildotchari
 Oldartu oxoa
 El bi klaskaz zuen
 Irexi gaichoa.
*Azkarrak duenean
 Partida flakoa,
 Auzia zoinena den
 Erran gabe doa.*

Oxoak bildotchari
 Egin zioena
 Jainko legetik kanpo
 Nork orai kondena?
 Gizon lege ez galda
 Noren de zuzena
 Galde zazu indarrez
 Zoin den nausi dena.

G. A. ZALDUBY.
(Lapurtarra).

